

道光癸卯孟冬月

震澤鎮志

里人周士燏書



叙

曩余檄來郵牧纂志乘以茅君
雩水甓社餘閑一志訂語辨正多
取資焉其卯冬來治震澤甫以
車披閱邑志別乾隆丙寅箴可
脩洎今蓋百年至余纂郵志距

震澤鎮志

序

一


前修之年僅三十稔如茅君之志
採訪者已不免文獻未徵况百年
間遺老既盡即散見書簡策者
又淩漫至恟搢紳先生亦不特
道之余深望一日修志之志可
考證也越旬月俞少甫學博以

沈君子孺所著震澤鎮志見
示余愛而讀之如赴沈君窮年
年之力又得烏程紀君互相討
論如生有盡據事精核公筆
謹肅與茅老名異而實同皆
所以勵風佐維人心匪特備一方

嘗於也余又聞沈君積學力行
不求聞達課里中子弟循
有禮法可謂君子者善於鄉
者耶異日簿領之暇苟得與
邑中士大夫取是書及平望
志江震人物志集存一編如來

郵政事此則余之百願也沈
君之有以匡我不逮焉

道光二十四年春二月上丁
日湘鄉左輝春序



序

震澤故鄉也宋紹興初始爲鎮自宋以來荒遠難稽雖
閒有遺蹟若唐張景遵之震澤館陸魯望之震澤別業
已不能盡指其地故風土人物必至宋而詳然自宋至
今歷年七百文人之紀述故老之流傳亦僅十存一二
而前後修邑志者又以蕞爾偏隅不復加深考誠於此
網羅散失綴輯前聞以垂信將來非生斯土者之責與
吾友沈君子綏篤學好古自弱冠時卽留意里中文獻
思創爲鎮志未及成書道光七年烏程紀君位三客授
我鎮兩人晨夕過從因相約分纂自邑志外博采羣書

震澤鎮志

序

一

參以故家譜牒又時時訪殘碑尋廢址懷槩握管躑躅
於荒榛宿莽之間有獲而歸則篝燈編次每一篇成輒
互相討論凡再易暑寒三易藁可付胥鈔而紀君別去
今年春同里周君事貞見之謀爲刊行於是沈君竭旬
月之力重加刪潤而問序於余發而讀之自沿革道里
物產風俗以至爲表爲傳爲雜錄爲刊訛凡分卷十六
列目數十其搜摭廣其考核精而其立傳之例又簡而
嚴苟事無實徵雖見邑志者必削苟人無足傳雖其子
孫求請不以徇邇者與吾接壤諸鎮若黎里同川平望
盛澤及烏程之南潯莫不有志是志出當翕然稱服矣

抑聞世之論者謂我鎮雖小獨以儒術重蓋在昔紹興時則有若王著作師弟在嘉定時則有若白鹿書院長沈伯時在 國初時則有若王寅旭先生自寅旭先生之後學者衆矣求其能自拔等夷希蹤曩哲豈遂無人也因序是志爲睠焉者久之

道光二十二年孟冬月同里張履書於句容學舍

跋

余家自桐鄉遷震澤鎮已歷三世其風俗固知之稔矣至欲考其文獻以無志而莫可徵也夫古人不出戶而知天下今生於是鄉而鄉之前言往行且茫焉不知又何論其他己亥歲烏程紀君位三館余家出其所爲震澤鎮志序示余始知沈君子綏與紀君已有創藁思一覩爲快惟余雖與沈君同里閭而蹤蹟殊疎未敢造次獨心識之不忘今春特造廬相訪得而讀之乃知魯望高風尙存遺蹟著作儒教未墜眞傳兩君於此書其用力勤而爲功亦良偉矣於是力懇憇沈君成書沈君因

震澤鎮志

跋

一

余言遂更加刪潤精核謹嚴殆無遺憾余固陋不能以一辭贊而深幸兩君之益我也多爲述其欣賞之意如此

道光壬寅嘉平月同里周幹書

震澤鎮志目錄

烏程紀 磊位三

同輯

里人沈眉壽子綏

卷首

凡例

圖

卷一

沿革

鄉都畝圩

卷二

震澤鎮志

目錄

道里

水井泉 塘路

物產

風俗

卷三

災祥 蠲賑 平糶

卷四

公署 公所 倉 廢署

鎮學 義學

營汛 水柵 急遞鋪

坊表

橋梁

古蹟

卷五

園第

墓域 義冢

卷六

祠廟

卷七

寺觀

震澤鎮志

目錄

卷八

職官

科第

武科

貢生

薦辟

欽取

議敘

例仕

封贈

卷九

宦績

儒林

孝友

節義

文苑

隱逸

藝能

卷十

列女

震澤鎮志

目錄

三

流寓

釋道

卷十一

書目

卷十二

集文

卷十三

集詩

卷十四

雜錄

卷末

刊訛

參閱姓氏

烏程紀慶曾師泉

烏程沈登瀛金坡

同里沈玉渠成甫

烏程孫 燮呂揚

同邑俞 岳子駿

同里周 桂仰詵

烏程丁 桂子香

震澤鎮志

目錄

四

同邑王之佐翼如

同里周士炳守堅

同里周士炳文五

分校姓氏

同里莊 丙彝珍

同里沈 鈺堅甫

同里吳邦燮立三

歸安章槐生季儕

長興王福昌景文

同里宓星燦景三

同里徐汝梅鼎臣

同里周士耿介勇

同里周士煦志仁

烏程鈕承懋遜脩

同里黃純端甫

捐資姓氏

欽加知州銜震澤縣正堂左

師儉堂徐

硯華堂周

乃濟堂沈

敦善堂徐

奕慶堂程

德星堂陳

寬裕堂龔

雪步村王

烏程純佑堂沈

長典大雅堂王

燕翼堂譚

壽康堂童

存敬堂施

致和堂吳

四謂堂程

尚義堂倪

震澤鎮志卷首

凡例

一震澤鎮舊有吳允夏志而傳本絕少近有沈金渠備志亦未成書故今惟就府縣志及所見聞者錄爲若干卷以備一隅掌故第學識膚淺里漏良多識者鑒之

一震澤鎮巡檢司所轄居縣之半詳考未能故今惟就附鎮數里以內者志之東至雙楊西至馬賦南至蠡澤北至唐白漾餘不泛及而鄉都畝圩則全載焉以備稽核

一是編篇次略仿縣志先地後人而稍易其前後有細

震澤鎮志

卷首 凡例

目無大綱每篇之首不列序引義有應發明者卽於凡例中著之

一圖爲志地要務震澤鎮巡檢司所轄方數十里形勢要害頗具茲繪全圖及附鎮水道圖鎮圖各一以便循覽

一凡設官防遏者謂之鎮震澤鎮之設官始宋南渡則鎮之名應斷自宋而其地卽禹貢震澤地其得名又先於縣故自虞夏迄國朝歷詳其所屬云

一震澤水鄉尤以水爲重今特考其源委分合次於篇而以井泉塘路附焉

一風俗大抵一縣所同然亦間有小異故詳列之以備參考

一災祥亦一縣所同然自縣志創修以來歷年幾百缺之則無所考證故自宋元迄明志其尤者 國朝則備書之蠲賑平糶卽附見

一坊表所以旌善今自本鎮人外有人非震澤而坊建於此者亦列之使不沒其實

一橋梁以通往來鎮爲水鄉所在多有然率架木者多並無名目可稱今故列其尤著者餘不悉載

一祠廟悉遵縣志凡祀典所載及鎮所應祀者列於前

震澤鎮志

卷首 凡例

二

餘悉附後

一寺觀例不志女菴存守貞一菴所以重貞節也

一職官並無名宦可列間有事蹟可述者卽附著表中
一人物自府縣志後或向來府縣志所遺者自應隨時增入然必博考輿論非確有可據概不敢濫其傳聞異同者於舊志稍有增損非擅刪改亦取其詳核而已

一封贈所以勸忠而教孝也縣志未載茲特補入

一列女縣志祇載節烈茲循史例於節烈外增孝婦賢婦其節烈之已旌未旌者仍析爲二類

一流寓必考其久寓及生卒於斯者志之若偶焉託足
或無確據者概從割愛

或疑范蠡張志和之類以嫌附會然地以人傳蠡澤張敦

之名由來已久茲故錄之

一書籍縣志祇存其目茲仿朱彝尊經義考例注明存
佚未見及已刊未刊或其人未經立傳者即於書下
注明履歷其有采入四庫館者恭錄 欽定提要於
前而序文之有相發明者亦開附錄

一凡名人詩文悉依吳江舊志例並繫各條下使閱者
有所考證

疏引雖非碑記可比然敘其事之緣起亦足以資考證茲擇其文之雅飭者存之

其有難以分繫及投贈壽輓等作仍纂入集文集詩
一縣志人物於正傳外有別錄而舊事異聞另為編輯
茲則無分人事總為雜錄以附於後

一凡府縣志所誤及自來傳聞異詞者另刊正數條附
卷末然未敢自信必是尙俟博雅君子正之

一凡篇中引用書目自石修府志沈修縣志外必注明
本某書參某書全文則竟稱某書庶閱者了然有所
參考云

圖

震澤鎮巡檢司所轄全圖

附鎮水道圖

鎮圖

震澤鎮志

卷首圖

四

震澤鎮巡檢司所轄全圖

凡都全轄者用方圍與平望司分轄者則用尖圍別之

東

